



**Rvperti Ab||batis Monasterii || Tvitiensis Ordinis S.
Benedicti The||ologi antiqui, Opera duo, ut egregia sanè,
ita diu desiderata, multoq[ue] || labore perquisita, ac
sumptu haud ita modico ...**

Rupert <von Deutz>

Colonia, M. D. XXVI.

VD16 R 3796

Quomodo psallere, & quid psallendo confiteri debeamus sanctitatis eius,
et quod ipsa memoria missio sit filij dei dice[n]tis apud Esaiam antequam
fierent, ibi eram, & nunc dominus misit me, & ...

[urn:nbn:de:hbz:466:1-71860](https://nbn-resolving.org/urn:nbn:de:hbz:466:1-71860)

& sacrificium unicum, quod in ea celebratur, secundum Euangelicam similitudinem illius senioris fratris, qui sciens intus celebrari conuiuium pro iunioris fratris reuersione, uoluntarie foris stabat, & nolebat introire. ¶ Quæ autem est illa quæ adhuc super est terribilis expectatio iudicij, & ignis æmulatio, quæ consumptura est aduersarios? Non enim sola est illis peccata quam receperunt iam in hoc seculo, cadentes in ore gladij, & in omnes gentes ductica ptuii. Quæ ergo illa est: Ignis (ait ipse dominus) succensus est in furore meo, & ardebit usque ad inferni nouissima. Hæc eadem sententia est duplicis poenæ in hoc dicto, non remittitur ei neque in hoc seculo neque in futuro. Et iuste, quia non habet excusationem de peccato suo quis, uoluntarie, id est, scienter peccans, & (ut ait Apostolus) filium dei conculcans, & sanguinem testamenti pollutum ducens, & spiritui gratiæ contumeliam faciens.

Lucæ. 15.
Iudiciū seculi
per ignem
Deut. 32
Heb. 6.

¶ Quomodo psallere, & quid psallendo cōfiteri debeamus sanctitatis eius, & quod ipsa memoria missio sit filij dei, dicentis apud Esaiam, antequam fieret, ibi erā, & nunc dominus misit me & spiritus eius.
Caput .XVI.

Psal. 29.
Canticū filioꝝ
resurrectioꝝ.

Agitur quemadmodum dicit (ut supra meminimus) psallite domino sancti eius & cōfitemini meōriæ sanctitatis eius, cuius psalmi titulus est psalmus canticum in dedicatione domus David: Psallamus concorditer, & confiteamur fideliter, tanquam filij resurrectionis, tanquam sacerdotes & leuitæ huius dedicationis. Quid psallimus, aut quid confitebimur? Quid psallendo & confitendo dicemus? Nunquid hoc solum quod hic audiuimus eum dicentem, exaltabo te domine pater, quoniam suscepisti me, dicentem, pater in manus tuas commendo spiritum meum? Denique hoc & totus fere eiusdem psalmi textus humanitatis siue humanæ naturæ uoces sunt, cuius deus & dñs est, et pater et spiritus sanctus, et ipse qui illam sibi unitatē personæ assumpsit filius. ¶ Altius psallimus et cōfitemur, non aliud sed id ipsum, quod ex ipso accepimus, quod locutus est ipse propheta, lōge antequam in carne nasceretur. Accedite (inquit) ad me et audite, hoc non à principio locutus sum in abscondito, ex tempore antequam fieret ibi eram. Et nunc dominus meus misit me, et spiritus eius. Altissima namque est hæc memoria sanctitatis eius, cui necessario ad salutem nostram cōfiteamur, quia ibi eram (inquit) ex tpe cuiuscumque meminisse potes, imo & antequam fieret, subauditur cœlū & terra. Præmiserat enim pauloante, manus quoque mea fundauit terrā, & dextera mea mēsa est cœlos, siue ex tēpore cuiuscumque, uidelicet Adæ, Noe, uel Abraham, uel antequam fieret ipse Abraham, uel superiorum quispiam, ibi eram, & à principio locutus sum, non in abscondito, sed palam omni mundo, siue in Moyse, siue in Prophetis, imo & superius ad Abraham siue ad Noe. Nihil enim abscondi eorum quæ futura erant, testante Propheta, quia non faciet dominus deus uerbum nisi reuelauerit dominus secretum suum ad seruos suos Prophetas. ¶ Ibi (inquam) eram antequam fieret & nunc dominus deus misit me, & spiritus eius. Dominus (inquam) deus pater misit me: uoluit enim me carnē idue re siue hominē assumere, qui ante secula secundum naturam diuinam generauit me, de uentre matris meæ uocauit me, & iterum in Iordane unxit me, & Euangelizare pauperibus misit me. Et secundum illa prima, & secundum hæc nouissima, psallite domino, ut sitis sancti eius & memoria sanctitatis eius. Solemus basilicas martyrum appellare memorias eorum, pro eo quod ibi psallendo & confitendo memoramus martyria illorum. Bene ergo & hic memoriam sanctitatis domini istam intelligimus domum, cuius dedicationem psallimus iste secundum præsentem titulum, quem supra scripsimus, intendit. ¶ Huic itaque memoriæ sanctitatis domini recte confitemur, dum propter hoc opus memorabile, sanctum dominum prædicamus, laudamus, & benedicimus sanctum dominum patrem qui filium misit, sanctum spiritum eius qui uirginis uterum filio præparauit, sanctum ipsum filium qui in sanctitate sua hominem assumpsit. Et quis nisi uoluntarie peccans, te o beata Trinitas in uerbis istis non intelligit, & nunc dominus misit me & spiritus eius: Non ergo pars illis in dedicatione domus huius, sed foris sunt extra mensuram templi siue regulam fidei, & quamuis Christum confitendo, intus esse uideantur, sicut plerique hæretici foris sunt et cum paganis reputantur iuxta illud: Atrium autem quod foris templum est, et tunc foras, et ne metiaris illud, quoniam datum est gentibus.

Lucæ. 23
Ex tēpore, antequam fieret ibi eram
Esa. 48.
Amos. 3
Esa. 48.
Esa. 49
Psal. 29
Confitemini memoriæ sanctitatis eius.

Bepro